

PANDUAN DAN PERATURAN PEPERIKSAAN

Panduan kepada calon

Semua pelajar prasiswazah dikehendaki mematuhi panduan dan peraturan peperiksaan seperti berikut:

- (1) Sila pastikan Kad Masuk dan Jadual Peperiksaan (KMJP) yang diberikan kepada pelajar dibawa semasa peperiksaan;
- (2) Mematuhi Etika Pakaian UKM. Pelajar yang tidak mematuhi etika tersebut tidak dibenarkan menduduki peperiksaan;
- (3) Masuk ke dalam dewan dengan aman dan teratur;
- (4) Datang tepat pada waktu yang ditetapkan. Perlanjutan masa tidak akan diberi bagi pelajar yang lewat. Pelajar yang datang selepas 30 minit peperiksaan bermula tidak dibenarkan menduduki peperiksaan;
- (5) Hanya Kad Masuk dan Jadual Peperiksaan (KMJP), Kad Pelajar, Kad Pengenalan, alat tulis dan kalkulator sahaja dibenarkan dibawa masuk ke dalam dewan peperiksaan. KMJP, Kad Pelajar dan Kad Pengenalan perlu diletak di sebelah atas kanan meja;
- (6) Telefon bimbit, buku atau nota, makanan dan minuman tidak dibenarkan dibawa masuk ke dalam dewan peperiksaan;
- (7) Tidak dibenarkan menulis apa-apa nota pada KMJP;
- (8) Mengambil tempat duduk mengikut nombor meja yang tercatat pada KMJP;
- (9) Mengisi borang kehadiran dan meletakkan di sebelah atas kanan meja bersama KMJP dan Kad Pelajar/ Kad Pengenalan;
- (10) Tidak dibenarkan keluar meninggalkan dewan dalam tempoh 30 minit selepas peperiksaan bermula dan 15 minit sebelum peperiksaan tamat.
- (11) Apabila pengumuman tamat masa peperiksaan, pelajar hendaklah
 - (i) berhenti menulis;
 - (ii) ikat semua buku jawapan sekiranya menggunakan lebih dari satu buku;
 - (iii) letakkan soalan dan buku jawapan di tempat yang diarahkan;
 - (iv) meninggalkan dewan dengan aman dan teratur.

Soalan dan buku jawapan tidak dibenarkan dibawa keluar dari dewan peperiksaan.

Kehadiran dalam peperiksaan

- (1) Jika kursus pengajian seseorang pelajar memerlukan dia hadir bagi sesuatu peperiksaan dan dia tidak selainnya dihalang daripada peperiksaan itu, dia tidak boleh tidak hadir tanpa kebenaran terdahulu Dekan Fakulti atau Pengarah Institut, mengikut mana-mana yang berkenaan.
- (2) Jika hal keadaan tidak membenarkan kebenaran terdahulu diperoleh, pelajar hendaklah memuaskan hari Dekan atau Pengarah, mengikut mana-mana yang berkenaan dengan ketidakhadirannya dan memperoleh kelulusan berkenaan dengan ketidakhadirannya itu.

Tidak hadir peperiksaan kerana terlupa atau kesilapan sendiri

Senat Universiti telah menetapkan sekiranya seseorang pelajar yang tidak menghadiri peperiksaan kerana terlupa atau kerana kesilapannya sendiri hendaklah dianggap gagal dalam peperiksaan tersebut dan tidak diberi peluang mengambil peperiksaan khas sebagai gantinya.

Kesalahan semasa peperiksaan

Pelajar tidak boleh:-

- (1) mengambil apa-apa buku, kertas kerja, dokumen, gambar atau benda lain kecuali yang diberi kuasa oleh pemeriksa, ke dalam atau ke luar dari sesuatu bilik peperiksaan, atau menerima apa-apa buku, kertas kerja, dokumen, gambar atau benda lain daripada mana-mana orang lain semasa dalam bilik peperiksaan, kecuali seseorang pelajar boleh semasa dia di dalam bilik peperiksaan, menerima daripada pengawas peperiksaan apa-apa buku, kertas kerja, dokumen, gambar atau benda lain yang telah disyorkan oleh pemeriksa atau Lembaga Pemeriksa, dan diberi kuasa oleh Naib Canselor;
- (2) menulis, atau telah menulis melalui orang lain, apa-apa maklumat atau gambar rajah yang mungkin berkaitan dengan peperiksaan yang didudukinya, di atas tangannya atau di atas mana-mana bahagian lain tubuh badannya, atau di atas pakaiannya;
- (3) berhubung dengan mana-mana pelajar lain semasa sesuatu peperiksaan melalui apa-apa jua cara; atau
- (4) menipu atau cuba untuk menipu atau berkelakuan mengikut cara yang boleh ditafsirkan sebagai menipu atau cuba untuk menipu dalam sesuatu peperiksaan, semasa peperiksaan itu sedang dijalankan.

Larangan membawa masuk telefon bimbit ke dalam Bilik Peperiksaan

Senat Universiti telah menetapkan bahawa pelajar dilarang membawa masuk telefon bimbit ke dalam Bilik Peperiksaan dan pelanggaran peraturan ini boleh dikenakan tindakan tatatertib

Hukuman tatatertib

Seseorang pelajar yang didapati melakukan suatu kesalahan tatatertib semasa peperiksaan dan sekiranya didapati bersalah atas kesalahan itu boleh dikenakan mana-mana satu atau mana-mana gabungan dua atau lebih hukuman yang sesuai seperti berikut:

(1) Hukuman di bawah Kaedah – kaedah Tatatertib Pelajar

- (i) amaran;
- (ii) denda tidak melebihi dua ratus ringgit;
- (iii) dilarang daripada mana-mana bahagian atau bahagian-bahagian tertentu Universiti bagi tempoh yang ditetapkan;
- (iv) digantung daripada menjadi seorang pelajar Universiti bagi tempoh yang ditetapkan;
- (v) dipecat dari Universiti.

(2) Hukuman tambahan yang diputuskan oleh Senat UKM

- (i) Diberi taraf gagal bagi kertas berkenaan;
- (ii) Digantung pengajian selama satu semester (semester berikutnya).